

## ლურჯი დროშა – სუფთა პლაჟების ინდიკატორი

### მაია ბლიაძე

მრავალწლიურმა დაკვირვებამ აჩვენა, რომ ადამიანებს დასუფთავებულ პლაჟზე დასვენება და სუფთა წყალში ბანაობა ურჩევნიათ. ბევრი დამსვენებელი თავის დასასვენებელ ადგილს სწორედ ლურჯი დროშების არსებობით ირჩევს.

ლურჯი დროშა თავისებური სერტიფიკატია, რომელიც პლაჟების ხარისხს 29 კრიტერიუმის მიხედვით აფასებს, მათ შორის: პლაჟამდე მოსახერხებელი მისასვლელი, წყლის სისუფთავე (ყოველკვირეული ტესტირება), სანაპიროს დასუფთავება და ნაგვის შეგროვება, მუდმივი მონიტორინგი და სამაშველო სამსახურის არსებობა, გადაუდებელი დახმარების მომსახურება, შხაპების არსებობა, ავტოტრანსპორტის მოძრაობის აკრძალვა, შინაური ცხოველების არდაშვება და სხვ.

სერტიფიკატი "ლურჯი დროშა" 1985 წელს საფრანგეთში იქნა დამტკიცებული, სადაც ფრანგულ საზღვაო მუნიციპალიტეტებს პირველად მიენიჭათ ეს დროშები მიმდებარე სანაპიროსა და ზღვის წყლის სისუფთავის ხარისხის გამო. იმ პერიოდში ლურჯი დროშის გადაცემით დაკავებული იყო ეკოლოგიური ორგანიზაცია – ევროპის ეკოლოგიური განათლების ფედერაცია (FEEE).

1987 წლიდან ლურჯი დროშის მინიჭების ფრანგული იდეა ფართოდ გავრცელდა მთელ ევროპაში და ეკოლოგიური მენეჯმენტის ახალი მიმართულებებით შეივსო: ნარჩენების უტილიზაცია, სანაპირო დაგეგმარება, სანაპირო ტერიტორიების დაცვა. ამავე წელს ევროპის 10 ქვეყნის 244 პლაჟმა და 208 უბემ მიიღო ლურჯი დროშა. 1987 წლიდან ყოველწლიურად იზრდება ლურჯი დროშების რაოდენობა და შეფასების კრიტერიუმებიც საკმაოდ გამკაცრდა.

2001 წელს ეს ჯილდო მთელ მსოფლიოში გავრცელდა და ორგანიზაციის სახელიც შეიცვალა – ეკოლოგიური განათლების ფედერაცია (FEE), რომელიც არაკომერციული არასამთავრობო ორგანიზაციაა. მასში გაერთიანებულია ევროპის, აფრიკის, აზიის, ოკეანეთისა და ამერიკის 60 ქვეყნის 65 ადგილობრივი ორგანიზაცია.

"ლურჯი დროშის" პროგრამა ასევე მოქმედებს სარ–ში, კანადაში, მაროკოში, ახალ ზელანდიასა და კარიბის რეგიონის 4 ქვეყანაში. საპილოტე პროგრამები

ფუნქციონირებს ჩილეში, აშშ-ში, არგენტინაში, ბრაზილიაში, ეკვადორში, არაბთა გაერთიანებულ საამიროებსა და სამხრეთ-აღმოსავლეთი აფრიკის ქვეყნებში.

ამჟამად, ეკოლოგიური განათლების ფედერაცია თანამშრომლობს გაეროს გარემოსდაცვით პროგრამასთან (UNEP) და მსოფლიოს სავაჭრო ორგანიზაციასთან (WTO). ფედერაციის ინტერნეტსაიტის მისამართია: <http://www.blueflag.org/>

„ლურჯი დროშის“ სერტიფიკატის განახლება-გადაცემა ჩრდილოეთ ნახევარსფეროს ქვეყნებში ყოველი წლის 5 ივნისს ხდება. ხოლო სამხრეთ ნახევარსფეროსა და კარიბის ზღვის აუზის ქვეყნებში – 1 ნოემბერს.

2013 წელს მსოფლიოს 36 ქვეყნის 3300-მა პლაჟმა მიიღო ლურჯი დროშის სერტიფიკატი. ამავე წელს „ლურჯი დროშების“ სიმრავლით ესპანეთი გამოირჩეოდა. აქ დაახლოებით 550 ადგილას ფრიალებდა სისუფთავის ეს სიმბოლო. ხუთეულში ასევე შევიდა საბერძნეთი, თურქეთი, საფრანგეთი და პორტუგალია.

ევროპის ქვეყნები, რომლებიც ლურჯი დროშით დაჯილდოებული პლაჟებით ლიდერობენ (2013 წ)

რეიტინგი	ქვეყანა	„ლურჯი დაჯილდოებული რაოდენობა“	დროშით“ პლაჟების რაოდენობა	რეგიონები, სადაც „ლურჯი დაჯილდოებული მდებარეობენ“ დროშით“ პლაჟები
1	ესპანეთი	550		გალასია
2	საბერძნეთი	393		ლასიტი
3	თურქეთი	383		ანტალია
4	საფრანგეთი	365		პროვანსი — ალპები — ლაჟვარდოვანი სანაპირო
5	პორტუგალია	279		ალგარვე
6	იტალია	248		ლიგურია
7	დანია	242		სამხრეთი დანია
8	ხორვატია	102		ისტრია
9	დიდი ბრიტანეთი	95		უელსი

რეიტინგი	ქვეყანა	„ლურჯი დაჯილდოებული რაოდენობა“	დროშით“ პლაჟების	რეგიონები, სადაც “ლურჯი დაჯილდოებული მდებარეობენ	დროშით“ პლაჟები
10	ირლანდია	70		კონაჰტი	

საქართველოში „ლურჯი დროშის“ მოპოვების ყველაზე დიდი შანსი სარფის, ბათუმის, გონიოს, კვარიათისა და ურეკის სანაპიროებს აქვთ, რაც იმას ნიშნავს, რომ ამ კურორტებს კიდევ უფრო მეტი ტურისტის მოზიდვის პოტენციალი აქვთ.

ზღვაზე დამსვენებელმა, ლურჯი დროშის გარდა, ასევე სხვა ფერის დროშების მნიშვნელობაც უნდა იცოდეს.



წითელი დროშა ნიშნავს, რომ წყალში შესვლა აკრძალულია. ამ დროშას მაშინ წევენ, როცა შტორმებისა და მაღალი მოქცევის ტალღების საშიშროებაა, აკვატორიაში საშიში მტაცებლები ან ძლიერი მიქცევითი დინებები შეინიშნება და სხვ.



ყვითელი დროშა ნიშნავს რომ პლაჟი ნაწილობრივ დახურულია და ბანაობა რეკომენდებული არაა, მაშინ როცა მწვანე და თეთრი დროშების შემთხვევაში ბანაობა დასაშვებია და ხშირად მათ არც კი აღმართავენ ხოლმე.



შავი დროშას იქ დგამენ, სადაც ხშირად ჩნდებიან ზვიგენები.



იისფერი დროშაც ასევე კრძალავს ბანაობას და დამსვენებლებს აფრთხილებს რომ წყალში მრავლადაა ტოქსიკური მედღუზები.



ჭადრაკული შავ-თეთრი დროშის საშუალებით სერფინგებისა და სხვა სახის სპორტის მოყვარულთათვის სპეციალურ ზონებს გამოყოფენ, და ბუნებრივია, ბანაობა სასურველი არც ამ ზონაშია.



ნებადართულ ზონას მეთვალყურეობის

წითელ-ყვითელი ფერებით შერეული დროშით საბანაოდ გამოყოფენ, ოღონდაც მხოლოდ და მხოლოდ მაშველების ქვეშ.



ყვითელი დროშა შავი წრით ძირითადად აშშ-ში გამოიყენება. იგი სერფინგის მოყვარულებს აუწყებს, რომ ამ ადგილებში სპორტის ეს სახეობა აკრძალულია.

